



28. december 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1. Naalakkersuisut Inatsisartunut Ilaasortat partiillu Naalakkersuisooqatigiinneersunit atuuffiit akissarsitinneqartartuusuni inissinneqartarnerat qanoq isumaqarfigaat?**
 - a. Naalakkersuisut taamatut pisoqartillugu qaqugukkut kammalaatersorneq killilerneqarsinnaaneranik nassuiaateqarnissaat kissaatigineqarpoq?
 - b. Naalakkersuisut qanoq iliuuseqarpat, akissarsiaqarfiusussanut toqqaanernut kammalaatersortoqarneranik isumaqartoqannginnissaa anguniassallugu?

- 2. Naalakkersuisut suut tunngavigalugit Oqaasiliortut ilaasortassaannik toqqaasimappat Inuit Ataqaatigiit aammalu Inatsisartunut Ilaasortaasumik?**
 - a. Allaniq piukkunnartunik peqarsimanngila?
 - b. Naalakkersuisut apeqquteqartoq isumaqatiginerlunikku inuiaqatigiinniit pisoq kammalaatersornertut isummerfigineqarnissaanik kinguneqarsinnaasoq, taamatuttaarlu politikkikkut ingerlatsinerinnartut isigineqaleratarsinnaanera?

(Inatsisartunut Ilaasortaqa Anna Wangenheim, Demokraatit)

Tunngavilersuut

Inatsisartut Inatsisaat § 6 nr. 5, 1. juni 2017 Oqaasiliortut pillugit allaqqavoq Oqaasiliortut ilaasortassaannik Naalakkersuisut toqqaassasut, inatsi naapertorlugu susassaqartut innersuussineratigut.

Susassaqartut eqqaaneqartut (Ilisimatusarfik, Nunatta Atuagaateqarfia, Kalaallit Atuakkiortut, Tusagassiuinermit Sulisut Peqatigiiffiat aammalu Nutserisunut oqalutsinullu kattuffik) innersuussuteqassapput, tamatumalu kingorna Naalakkersuisut innersuussuteqartunit ilaasortassaq toqqaassallugu.

Naalakkersuisut tamanna tunngavigalugu Oqaasilerisunut ilaasortassaq toqqarsimavaat Inuit Ataqaatigiinni ilaasortaannermit saniatigut aamma Inatsisartunut Ilaasortaqa. Iluamik oqassagutta tamanna pissusissamisuunngilaq, eqqumiigaara toqqagassat akornanni partiimut attuumassuteqanngitsumik tulluuttumilli nassaarsinnaasoqarsimanngimmat.

Apeqqutit ullut qulit suliffiusut iluanni akineqareersimanissaat kissaatigaara.